

**Kev ntshawb fawb txog txoj kev xav ntawm cov tsev neeg uas muaj menyuam muaj Autism hauv pej xeem Somali muab sib piv rau pab neeg tuaj tshiab txoj kev uas lawv tau muaj thiab ntsib dhau los**

**Hais mus rau**

**Xeev Minnesota chaw saib kev noj qab nyob zoo**

**Lub Ob Hlis Ntuj hnuv tim 1 xyoo 2014**

**Xa mus los ntawm:**

**Pab neeg ntshawb fawb txog Autism**

**University of Minnesota, School of Public Health  
The Confederation of Somali Community in Minnesota  
West Side Community Health Services -- Somali, Latino and Hmong  
Partnership for Health and Wellness (SoLaHmo)**



## **Pab neeg ntshawb fawb txog Autism**

Maria Arboleda, West Side Community Health Services -- Somali, Latino and Hmong Partnership for Health and Wellness (SoLaHmo)

Kathleen Call, the University of Minnesota, School of Public Health

Xai Gao Sheng Chang, West Side Community Health Services -- Somali, Latino and Hmong Partnership for Health and Wellness (SoLaHmo)

Mariam Egal, the Confederation of Somali Community in Minnesota

Donna McAlpine, the University of Minnesota, School of Public Health

Walter Novillo, West Side Community Health Services -- Somali, Latino and Hmong Partnership for Health and Wellness (SoLaHmo)

Shannon Pergament, West Side Community Health Services -- Somali, Latino and Hmong Partnership for Health and Wellness (SoLaHmo)

Mai Khou Yang, West Side Community Health Services -- Somali, Latino and Hmong Partnership for Health and Wellness (SoLaHmo)

## **Kev Ua Tsaug**

Peb xav thov nqa tes ua tsaug ntau ntau rau txhua leej txhua tus uas tau pab txhawb nqa qhov kev tshawb fawb no.

Peb zoo siab ua tsaug rau cov neeg uas tau muab kev pab los ntawm pab pej xeeem Somali uas tseem tau ua kom qhov kev tshawb fawb no muaj mus tau.

Peb zoo siab heev thov ua tsaug ntau rau xeev Minnesota lub chaw tsim kev cai thiab xeev Minnesota qhov chaw saib kev noj qab nyob zoo uas tseem tau pab nyiaj pab txiag rau qhov kev tshawb fawb no thiab tseem tau txhawb txoj kev siv Community-Based Participatory Research.

Cov neeg hauv zej zog uas lawv tau ua hawjlwm pab rau cov tsev neeg uas muaj menyuam muaj Autism kuj pab tau peb kom to taub txog txoj hau kev mus nrhiav kev pab thiab kom hos nkag siab txog cov kev nyuaj uas cov tsev neeg tau ntsib thaum lawv mus nrhiav kev pab rau lawv cov/tus menyuam.

Peb xav hais ua tsaug ntxiv mus rau lub chaw Glendale thiab Brian Coyle Community Center uas tau pub peb siv lawv qhov chaw los tuav peb cov rooj sib tham. Ob qhov chaw no txais tos peb zoo thiab tseem yog chaw uas ua tau rau peb cov rooj sib tham mus tau zoo thiab lom zem.

Qhov tseem ceeb tshaj plaws, peb xav hais ua tsaug ntau ntau rau cov niam txiv hauv lub zej zog Somali, Mev thiab Hmoob cov uas tseem tau siv lawv lub sij hawm los nrog peb tham thiab qhia peb txog ntawm qhov lawv tau ntsib thiab pom dhau los.

Tseem muaj cov niam txiv uas xav koom tes tabsis vim yog peb lub sij hawm tsawg heev, peb thiaj tsis tau nrog lawv tham. Peb kawm tau ntau yam heev uas yog yuav muab hais los, yuav piav tsis tag rau hauv daim ntawv qhia no thiab nws ua rau peb txoj kev nkag siab lawm ntau txog ntawm qhov kev uas tej zaum Autism tau tshwm sim thiab ua nyuaj li cas rau cov tsev neeg. Peb muaj kev qhuas ntau yam txog ntawm txoj kev hlub, kev mob siab, thiab qhov uas cov niam txiv tau los nrhiav kev pab kom zoo tshaj plaws rau lawv cov/tus menyuam kom lawv tau lub neej zoo thiab vam thiab cia siab tias daim ntawv no yuav qhia tau lub ntsiab lus txog ntawm txoj kev nyuaj uas cov tsev neeg tua ntsib nrog rau lawv txoj kev muaj peev xwm thiab rau siab.

Cov Ntsiab Lus Ntawm Daim Ntawv Tshawb Fawb

### **Lub Hauv Paus Ntawm Kev Ntshawb Fawb:**

Thaum xyoo 2012, xeev Minnesota (MN) tsoom fwv tau los muab kev tso cai rau qhov kev tshawb fawb txog ntawm lub neej uas muaj ib tug menyuam muaj Autism nyob rau hauv pej xeem Somali. Lub hom phiaj ntawm kev tshawb fawb yog ua los kom to taub txog qhov ntawm “ib pab neeg txoj kev cai thiab mus nrhiav kev pab txog ntawm Autism Spectrum Disorders (ASD) uas muaj nyob rau huav pej xeem Somali. Nrog rau kev pom zoo los ntawm xeev Minnesota chaw saib kev noj qab nyob zoo, qhov kev tshawb fawb no kuj ncuu mus rau pej xeem Hmoob thiab Mev.

### **Lub Hom Phiaj:**

- 1) Piav qhia txog txoj kev nyuaj thaum ntxov kuaj muaj Autism
- 2) Piav qhia txog cov kev nyuaj uas cov tsev neeg tau ntsib txog thaum mus nrhiav kev pab; thiab
- 3) Yuav tsim kev tawm hais txog kev pab rau cov tsev neeg uas ntsib txoj kev nyuaj

### **Txoj Kev Ua Tshawb Fawb**

Qhov kev tshawb fawb no yog siv community based participatory research (CBPR) kom tau koom tes nrog cov neeg pej xeem thaum los uas txoj kev tshawb fawb no xws li thaum los sau cov lus nug, los mus rau thaum nthuav ua ntshawb fawb, tawm tswv yim, thiab kev nthuav tawm qhia.

Cov neeg tshawb fawb los ntawm lub tsev kawm ntawv qib siab Universty of Minnesota School of Public Health, Koos Haum Somali, Mev, thiab Hmoob Kev Koom Tes Rau Kev Noj Qab Nyob Zoo los ntawm chaw kuaj mob West Side Community Health Services thiab Koos Haum Somali Confederation of Somali Community hauv xeev Minnesota (CSCM) sib koom tes los ua qhov kev tshawb fawb no.

Kev tshawb fawb muaj ob theem. Theem ib, peb nrog 33 tus neeg uas lawv paub thiab kawm txog Autism tham xws li cov txiv ua neeb ua yaig, kws kho mob thiab lwm cov pab txog autism, cov muaj suab rau autism, cov neeg tshawb fawb, cov neeg ua haujlwm rau cov uas tsis taus thiab lub chaw autism center, cov neeg ua haujlwm rau pem county, thiab cov neeg paub thiab koom tes rau kev pab autism rau hauv tsev kawm ntawv.

Nyob rau theem ob ntawm kev ntshawb fawb no, peb nrog 70 tus niam txiv tham: 38 leej yog los ntawm haiv neeg Somali, 15 leeg yog los ntawm haiv neeg Hmoob, thiab 17 leej yog los ntawm haiv neeg Mev. Kev sib tham no nws muaj nrog ib pab tib neeg tham thiab nrog rau ib leeg tham. Cov lus nug yog saib mus rau qhov uas kev xav thiab nkag siab txog ntawm autism, qhov uas coj tus menyuam mus nrhiav los sis kuaj tau lig, kev nyuaj thaum mus nrhiav kev pab, yam kev pab uas xav ntau tshaj, thiab kev tawm tswv yim rau kom kho txoj kev pab kom zoo.

## **Nrhiav Tau:**

### **Kev Paub Txog Autism:**

- Lub ntsiab uas zoo ib yam los ntawm cov neeg uas ua haujlwm/paub txog thiab cov niam txiv thaum nrog lawv tham yog kev tsis to taub txog ntawm autism, thiab txoj kev ntseeg tau tias kev qhia txog tus menyuam kev loj hlob thiab cov yam ntxwv ntawm autism no yuav qhib txoj kev ntxov rau lawv mus kuaj thiab nrhiav kev pab kom ntxov. Coob tus niam txiv xav thiab nkag siab tias autism yog los ntawm tus menyuam kev loj hlob thiab yog ib qho mob, tabsis cov niam txiv Somali thiab Mev xav hais tias nws yog tshwm sim los ntawm cov txhaj tshuaj. Tsev neeg Hmoob thiab Mev kuj muaj kev ntseeg tau tias tim ntsuj plig thiaj li muaj tshwm sim autism.

### **Nrhiav tau autism thaum ntxov:**

- Feem ntau, cov niam txiv yog cov xub thawj uas pom tau hais tias lawv tus menyuam coj txawv thiab coob tus kuj sim nrhiav txoj kev pab thaum ntxov.
- Lub caij nyoog thaum lawv paub tias muaj teeb meem thiab mus kuaj thiab nrhiav kev pab yog lub sijhawm uas ntxhov siab rau cov niam txiv.
- Cov niam txiv tau hais tias cov teeb meem uas khuam lawv rau txoj kev nrhiav kom tau autism thaum ntxov yog nyob ntawm tus kheej- (xws li tsis muaj kev paub txog autism thiab kev pab, tsis kam lees los yog xav tias tus menyuam tsis muaj dabtsi, kev txaj muag/tsis xav tham txog tej yam uas yog tias xiam oob khab), cov kws kho mob - (xws li kuaj yuam kev, muaj kev ntxub ntxaug, tsis paub lus), thiab txoj kev ua haujlwm (cov ntawv rau npe tos ntev heev uas thiaj mam tau mus ntsib kws kuaj mob thiab muab kev pab, teeb meem tsis paub yuav mus nrhiav kev pab qhov twg thiab nrhiav tsis tau kev pab vim tsis paub lus, teeb meem txog ntaub ntawv kuaj mob thiab tus nqi-- feem ntau yog tshwm sim rau hauv haiv neeg Mev).

### **Teeb Meem Hais Txog Mus Nrhiav Kev Pab:**

- Cov niam txiv tau hais tawm tias cov teeb meem uas mus nrhiav thiab nkag kom tau mus muab txoj kev pab rau autism yog tshwm sim los ntawm tus kheej- (xws li nyuaj siab txog kev tu tus menyuam uas muaj autism, thiab ntshai tsam lawv ho ntsib kev piam sij, dej num tim chaw ua haujlwm thiab cov nyob tom vaj tom tsev, cov niam txiv thiab tsev neeg kev mob nkeeg nrog rau nyiaj txiag, tsis muaj kev paub txog tias muaj kev pab dabtsi), kws kuaj/kho mob - (xws li tsis paub lus, kev txhawj txog ntawm cov kws kuaj/kho mob tsis kam qhia txog muaj kev pab li cas, tsis muaj qhov rov qab mus ntsib tus kws kuaj/kho mob, kev ntxub ntxaug), thiab txoj kev ua haujlwm - (xws li tau rau npe tos ntev mam tau kev pab, ua nyuaj rau txoj haujlwm nrhiav kev pab, tsis muaj kev pab rau cov niam txiv thiab tsev neeg, tsis paub hais cov lus thiab tsis paub txog ntawm haiv neeg kev coj, tsis muaj tsheb thauj mus). Ntxiv mus thiab, niam txiv Somali tau hais tawm tias nrhiav tsev/chaw nyob zoo kom txhob muaj teeb meem yog ib qho nyuaj heev.
- Kev pab kuj muaj nqi heev rau cov niam txiv thiab lawv pom tau tias yeej pab hloov tau lawv tus menyuam uas muaj autism. Tabsis, ntaub ntawv kuaj mob (insurance) tsis kam them cov kev pab no kom txaus (xws li tsis kam them kev pab, kam them tej yam kev pab xwb, cov kws kuaj mob tsis kam txais cov neeg uas muaj ntaub ntawv kuaj mob Medicaid ntxiv lawm). Cov niam txiv tau hais tawm tias nrhiav kev pab los ntawm Medicaid yog ib qho nyuaj heev; tej txhia tau hais tias ib leej niam/leej txiv yuav tsum tau tsis txhob ua haujlwm kom lawv tau nyiaj tsawg thiaj yuav tau kev pab los ntawm Medical Assistance.

### **Kev Pab Cuam Uas Muaj Tsis Txaus:**

- Cov niam txiv tau hais tawm tias lawv xav tau kev pab ntxiv xws li pab qhia kev hais lus thiab qhia kev ua dej nu, qhia kev coj cwj pwm, thiab muaj tus neeg pab tu tus menyuam.
- Ntxiv mus, cov niam txiv hais tias lawv xav tau kev pab uas yog hom tshiab. Piv txwv xws li:
  - Txoj kev pab tsev neeg kom mus deb dua li qhov niaj zaum mus nrog luag tham xwb thiab kom muaj ib pab tib neeg uas pab txhawb qhov no mus rau cov tsev neeg uas muaj meyuam muaj autism. Qhov kev pab no yuav yog pab los ntawm lub zej zog thiab cov niam txiv uas mob siab, sib pab ua kom muaj ib lub sij hawm tuaj sib qhia thiab sib kawm nrog rau cov neeg nyob hauv lub zej zog.

- Muaj kev mus ua si, mus koom phooj ywg thiab mus ntaus pob rau cov menyuam uas muaj autism.
- Muaj kev pab rau cov menyuam muaj autism uas lub hnuv nyoog dhua  
18 xyoo; muab kev pab rau thaum lawv tsis mus kawm ntawv lawm.
- Kom cov neeg zov tus menyuam kom cov niam txiv/tsev neeg tau dim tes thiab so ib pliag no yuav tsum yog ib yam haiv neeg lis tus nws zov ntawv.

### **Lub Zog Thiab Lub Peev Xwm Ntawm Cov Tsev Neeg:**

- Txawm nws tsis yog ib qho uas qhov kev tshawb fawb no saib txog, kuj pom tau tej yam uas nws pheej tshwm sim zoo ib yam:
  - Txoj kev hlub, kev mob siab, thiab kev peev xwm ntawm cov niam txiv uas tu lawv tus menyuam uas muaj autism txawm tias lawv muaj kev nyuaj siab.
  - Cov niam txiv txoj kev sib txhawb thiab sib pab rau lawv tus txhais tau tias tej zaum tseem muaj ib qho kev pab ntxiv uas tseem tsis tau siv nyob rau hauv lub zej zog

### **Kev Tawm Tswv Yim Los Ntawm Cov Niam Txiv:**

Daim ntawv lus teb nug cov niam txiv tias yam dabtsi yog yam uas lawv xav qhia tshaj rau cov neeg uas txiav txim txoj cai kom lawv hos kho cov kev pab no kom zoo tshaj ntxiv mus thiab kom tsis txhob nyuaj. Tag nrho haiv neeg kev tawm tswv yim:

- Muaj kev kawm txog los sis qhia txog ntawm autism uas haum rau haiv neeg ntawd thiab ntaub ntawv qhia los kom muab txhais raws cov haiv neeg ntawd cov lus kom to taub; thiab
- Kev pab rau tsev neeg

Ntxiv thiab, haiv neeg Somali tau hais ntau txog txoj kev pab yuav tsum yog thwj lawv txoj kev coj thiab paub txog lawv haiv neeg ntawd; xav tau ib lub autism chaw kom muab ntaub ntawv thiab kev pab thiab kev nrhiav tsev kom txhob muaj teeb meem thiab kom pheej yig. Haiv neeg Hmoob tau hais tawm ntxiv rau qhov kev pab nyiaj txiag rau cov kev pab uas ntaub ntawv kuaj mob tsis kam them thiab nce nyiaj pab rau cov koos haum uas muaj kev pab rau autism. Haiv neeg Mev thiab Hmoob tau hais tawm tias ntaub ntawv kuaj mob yuav tsum tau hloov kom zoo thiab haiv neeg Mev tawm ntxiv tias yuav tsum tau muaj ntaub ntawv kuaj mob pub rau cov tsev neeg uas tsis muaj npe nyob teb chaws no uas muaj menyuam muaj autism.

## **Cov Lus Kawg thiab Kev Tawm:**

Txawm tias cov niam txiv yuav muaj kev nyuaj thiab chim siab thaum piav txog lawv lub neej rau txoj kev nyuaj thaum lawv mus nrhiav kev pab uas lawv xav tau rau lawv tus menyuam, lawv yeej tsis yog siab qeeb li – lawv tsis yog yuav maj mam nyob tos kom muaj leej twg los coj lawv los sis lawv tus menyuam mus nrhiav kev pab. Coob tus niam txiv tau piav hais tias lawv rau siab mus nrhiav kev pab rau lawv tus menyuam, kawm thiab qhia ntxiv rau lawv tus kheej thiab tsev neeg txog tus mob no thiab tseem ua tshaj kom nrhiav kom tau kev pab rau lawv tus menyuam nrog lawv txoj kev khwv rau tsev neeg thiab haujlwm. Tag nrho xyacaum tus niam txiv uas tau nrog tham, yeej tsis muaj ib leeg twg uas yuav saib txoj kev pab tsis muaj nuj nqis rau lawv tus menyuam; cov uas muaj kev pab tas li kuj tham txog hais tias cov kev pab yog ib qho zoo uas tau hloov lawv lub neej thiab lawv tus menyuam lub neej. Cov niam txiv lawv kuj rau siab thiab qhia tau tias lawv mob siab xav kawm thiab qhia peb txog txoj kev uas lawv tau ntsib dhau los.

Thaum lub sij hawm uas cov niam txiv thev ua siab ntev thiab raus tes, cov neeg ua haujlwm kuj pab tsis txaus tej yam rau lawv. Ntau yam qhuam kev uas nrhiav kev pab no yog ib qhov loj heev thiab tsis tsim nyog. Qhov uas haiv neeg Somali tau rau siab sib zog tawm suab kom muaj kev pab rau cov menyuam muaj autism twb yog tau kaum xyoo no lawm tabsis tseem ntsib kev thaiv kev nyuaj kawg nkaus thaum mus nrhiav kev pab rau lawv cov menyuam uas yog ib qho yuav tsis tau. Cov teeb meem uas haiv neeg Hmoob thiab Mev tau ntsib kuj tsis tau raug tshaj tawm heev tabsis yeej pom tias nws yog yam zam yuav tsis tau. Peb tab tom nyob rau ib lub sij hawm uas txhai tau tias muaj teeb meem loj heev rau peej xeev sawv daws yog saib los ntawm uas qhov autism no tau ua rau lub zej zog hauv xeev Minnesota no. Peb muaj ib pab Somali tsev neeg, uas txawm lawv tau ntsib txoj kev nyuaj thiab tau koom tes los, lawv tseem tab tom nyob rau ib lub sij hawm nyuaj heev vim lawv cov menyuam muaj autism loj heev uas tab tom nyob rau qhov uas yuav muaj kaum yim xyoo. Cov tsev neeg no thiab lub zej zog kuj muaj kev nyuaj siab ntxhov nplawv heev. Nws yog lub luag haujlwm ntawm tsoom fww uas yog cov tsim txoj cai los ua kom tau ib qho ruaj khov los hloov lub luag haujlwm kom muaj kev pab. Tsis li, peb yuav poob ib txheej menyuam rau txoj kev muaj autism, thiab yuav ua kev piam sij yam yuav kho tsis tau rau tib neeg tej zej zog uas los nyob rau hauv xeev Minnesota.

Cov niam txiv tau qhia peb txog cov teeb meem uas lawv tau ntsib thiab yam uas lawv xav tau. Peb tsab ntawv tawm yog sau los ntawm cov niam txiv lub tswv yim:

Peb cov kev tawm muab sau nrog rau cov niam txiv lub tswv yim:



**Qhov Pom Zoo Kom Ua Nqe Tib 1: Muaj kev sib txhawb ntxiv rau cov niam ntxiv hauv lub zej zog kom lawv thiaj muaj kev sib pab:**

- Tsim ib qho kev pab - uas yog cov neeg hauv zej zog los ua haujlwm (Community Autism Workers) muab tus qauv los ntawm qhov kev pab ntawm Community Health Workers, yog tsim los ntawm cov niam txiv ua cov coj kom thiaj qhia kev kawm tau rau lwm cov niam txiv, qhia txog ntaub ntawv mus nrhiav kev pab, tshaj suab tawm, pab nrhiav kev tawm mus muab kev pab, thiab pab coj cov niam txiv mus nrhiav kev pab;
- Cov neeg ua txoj hauj lwm hauv lub zej zog yuav tsum muaj kev paub txog ntaub ntawv kev pab thiab paub txog tias haiv neeg ntawd txog kev coj thiab cov lus yog zoo li cas.
- Yuav tsum rub ib tus tib neeg ntawm txhua haiv neeg los koom kev sib tham thiab kev txiav txim siab ntawm txhua yam, lub sijhawm muaj nyiaj txiag pab, thiab kev tsim txoj cai uas yog muab mus rau fab autism.

**Qhov Pom Zoo Kom Ua Nqe Tib 2: Tsim kom muaj nyob rau hauv lub zej zog cov chaw uas nrhiav thiab muab kev pab rau cov tsev neeg**

- Tsim ib qho chaw uas mus txog muaj txhua yam kev pab nyob rau hauv lub zej zog kom thiaj li yooj yim muab tau ntaub ntawv qhia txog kev pab;
- Txhawb kev tsim ib lub chaw pab rau autism uas tswj xeeb rau haiv neeg Somali uas muaj ntaub ntawv raws lawv kev coj thiab lus uas pab rau cov menyuam uas muaj kev tsis taus loj heev.
- Cov neeg ua haujlwm hauv lub chaw ntawd yuav tsum yog neeg paub txog haiv neeg ntawv kev coj thiab cov lus, tsis tas li los yuav tsum paub txog autism thiab cov kev los pab rau autism.

**Qhov Pom Zoo Kom Ua Nqe Tib 3: Nrhiav kev kom tsim tau ib lub rooj sib ntsib rau cov tsev neeg tau tuaj txais thiab muab kev sib txhawb**

- Muab nyiaj txiag pab cov koos haum hauv lub zej zog ntawd kom lawv tsim kom muaj ib lub rooj teem uas cov tsev neeg niaj zaum tuaj nyob uake sib tham, sib ntsib, thiab sib pab nyob rau hauv lub zej zog ntawd.
- Nrhiav thiab pab kom muaj cov neeg uas los ntawm pab haiv neeg ntawv los pab zov tus menyuam muaj Autism kom cov niam txiv tau so.

#### **Qhov Pom Zoo Kom Ua Nqe Tib 4: Tsim kom muaj ntau txoj hau kev pab uas kom thwj rau pej xeem thiab zej zog thiab txo lub sij hawm uas tau tos**

- Txhawb kev tsim haujlwm rau cov neeg uas muab kev pab rau autism nrog rau cov neeg ua haujlwm hauv lub zej zog;
- Tsim ib qho kev saib autism uas soj ntsuam txog lub sij hawm uas tau tos los ntawm haiv neeg ntawd lub zej zog;
- Muab neeg ua haujlwm nyob rau tim county uas lawv kawm tawm los rau fab kuaj txog autism, yuav tsum paub cov lus thiab paub cov kev cai txog ntawm haiv neeg uas lawv pab thiab ho pab txhawb cov neeg ua haujlwm txog rau autism hauv lub zej zog (Community Autism Workers);
- Rau caij nyooq rau lub sijhawm tau tso npe tos, saib thiab ntsuas qhov uas ua tau zoo zog
- Qhia cov kws kuaj mob tias yuav kuaj li cas thiaj tshuaj ntsuam li cas txog autism thiaj li yuav meej.
- Tsim thiab muaj kev cuam tshuam xws li ‘cov lus nug kom yog kev kawm’ (Right Question Project) kom thiaj li kho tau kev sib tham nkag siab zoo ntawm cov neeg ua haujlwm siab thiab cov niam txiv.
- Tsim kom muaj cov neeg tau kuaj hauv zos rau lub zej zog thiab nrog rau kom cov neeg ua haujlwm paub txog tias haiv neeg ntawv coj li cas thiab paub hais haiv neeg ntawv cov lus.
- Saib txog kev uas tsis sib luag ntawm txoj kev pab, xws li ntaub ntawv uas pab rau cov menyuam uas muaj ntaub ntawv kuaj mob los ntawm Medicaid.
- Xyuas kom meej tias tsev kawm ntawv yeej muaj kev pab zoo ntau txaus, raws li kev tshawb fawb/kawm txog tau pom zoo, rau cov menyuam uas muaj autism.
- Muaj kev sib ntsib sib tham ntawm cov niam txiv thiab cov xib fwb kom ntau dua thiab kom muaj tus neeg txhais lus.
- Muaj kev saib xyuas kom ncaj nyob rau hauv tsev kawm ntawv kom muaj kev pab zoo thiab kev pab yog txog rau ntawm autism.

#### **Qhov Pom Zoo Kom Ua Nqe Tib 5: Rau siab kho cov teeb meem uas mauj nyob rau hauv cov ntawv kuaj mob hais txog qhov kam them thiab tsis kam them yam twg thiab cov nqi kuaj mob**

- Saib xyuas cov kev tsim tshiaib ntawm cov autism ntawv kuaj mob seb zoo npaum cas raws li kev siv thiab nrhiav kev pab ntawm cov menyuam los ntawm txawv zej zog.
- Xyuas kom meej tias tag nrho cov kev pab thiab kuaj txog autism no muab teev tseg cia tias nws yog “Ib yam uas yuav tsum tau muaj kev pab thiab kuaj txog” nyob rau hauv cov chaw nrhiav thiab muag ntawv qho mob.;

- Yuav tsum suav cov menyuam uas tsis muaj ntaub ntawv nyob teb chaws Meskas no rau hauv cov ntawv kuaj mob Medicaid.
- Muab ntaub ntawv qhia txog kev rau npe thiab pab nyiaj txiag kom ntxim uas pom tau hais tias nws yog ib qho yuav ntseeg siab tau thiab tsis muaj kev ua phem, piv txwv li them nyiaj rau cov neeg uas ua haujlwm pab rau peb xeeb txog autism (Community Autism Workers).